

沈乃文主編

明別集叢刊 第二輯

第十四冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第十四冊

黃山書社



(明)柴奇著

黼菴遺稿十卷

明嘉靖刻崇禎八年柴胤璧修補本

黼菴遺藁序



黼菴柴系北年兄舊有石池詩稿及石池文稿嘉樹軒紀聞各一冊正德己卯轉官南光祿登舟忽失之因重置一冊錄新作時有所憶或就人錄得而錯置其間因名曰黼菴遺藁云嘉靖庚申夏益趨謁陽明先師于天真溫江浙之會黼菴之幼子秩官繼垣其孫輔詰判轉運以年家之誼持遺藁以徵言于卷端往在辛未同年兄弟聯登者八人而柴君德義與德弘興焉衆爭羨之尋擢吏科給事中奉命紀功于山東品覈功罪不爽請託無

所按漢奏遷曲阜城以護

聖廟賊平加俸二級兼白金保幣之錫聲望日起繼丁內艱復任教上封事如邊儲屯政止南巡劾權倖輟焚其章已卯陟南光祿少卿

武廟駐蹕供應皆先事以備奏改良醢

署一十萬瓶歲運米糴諸料于北運

署為令公私咸利九十載始卒應天

四載晉為尹倍進通議大夫兩提調

試事規範一新蔭孫輔光入太學明

年以

大廟火災榮免歸初服時花植竹以吟

詠自適凡九年年七十有三而卒

上賜祭塋如禮部議玉峰朱大寧希周

銘之汝南周寺丞鳳鳴碑之咸惜其
難進易退有古人遺云今觀其集中
所錄如上遂菴家宰水利書見詮論
之蘊烏銘已弟穉官德和兄友愛之
篤焉慶松月伍中丞平江盜見擒縱
之略焉而其餘詩文皆典雅雄健不
落翫散不矜刻峭其諸

泰陵棧樸作人之休乎黼菴生南服
秀地當重熙累洽之隆穎敏而純厚
胸無城府言無粉繪行無機穽故其
所交游無比周無標榜不玷於封章
不閔於鄉評與詩文雅相埒雖散落
未載亦可以覘其全矣勗尔令子及
爾諸孫靖共正直以紹祖父之道行

則所以永是集者其尚有在

嘉靖庚申孟夏

賜進士及第中順大夫南京國子監祭
酒前太常少卿兼翰林侍讀學士

國史

經筵講官歸耕石屋二洞安成年弟鄒
守益拜書于天真之淨香庵



黼菴遺藁叙

叙曰余未弁時先君指數鄉國
名賢未嘗不歎黼菴樂公長者
公至先君執例屣迎之相廩道
義洽論移日兩相得甚驩也如
曾曾少子雖未終志舉然心竊
嚮往之公舉進士入諫垣覈功
罪齊魯之墟秋毫無侵也時時
疏論邊儲屯田諸抑權偉事及
梏
武皇帝南巡大夫士聞者必翹
首曰樂黃門者又論列天下某
事某事矣至車章也而世莫得
見以焚草故豈古欲諫不欲陳

之慮與比官光祿脩明十稔始
承應天四稔始獲正尹嗟乎難
矣

太廟災方自具投効而遽頌容
以夕嗟乎又何易也公姿高朗
博大而沉厚方其未仕上下里
閭翕然以康濟為念也攻苦萬
學彌粹彌精泊登宦牒事以確
深偉麗之文曳其靈秀之氣諸
所纂次紀述岬嶠磅礴皆其燦
然者也公晚年余以使事還吳
拜于牀下詩書疑席風度超遠
莫測也後念先君交好踰五十
年往時德音猶不忘耳余既倦

游而公之季子亦解組返冀上
向眎遺藁夫播揚先烈以流譽
無窮孝子志也後臨窆何之知
之獨憶公之仕中朝也洋洋焉
既有敬矣當是時攝匡司國合
素老驕進藉令少依阿偃仰即
穹顯至可必得矣有居光祿守
一官十年而府丞越四年而正
尹胡用之舒遲而媚嫉於至又
速得之劇然以歸也公乃稱曰
居官任職不在人前讀書學道
不在人後以是卜其偉度卓立
凌邁疇等而非世所及知所知
之者何寡也緣季子之請余故

叙論之於扁

嘉議大夫南京太僕寺卿前進
士里中後學周復俊謹撰



予舊有石池詩稿及石池
文稿嘉樹軒紀聞各一冊
已卯轉南光祿登舟時倉
皇失去每念及此輒歎不
已今重置一冊用錄將來
之作時有所憶或就人錄
得亦錯置其間非敢妄擬
傳後亦一生用心所在固
不忍棄也

正德辛巳三月廿日

黼菴居士記



黼菴遺稿卷一目錄

古詩

黃茅岡

登泰山

田廷友父遷塋于蘭

贈貢秀才

送姜豫賓錦衣守備四川新昌

輓曹中亨母

送屈廷評考績過家

壽萱一首壽周木涇母吳孺人

卷二目錄

工部何燕泉構堂和其韻五首

壽王伯深

嚴陵行送黃太守之任

登嶧山排律一首

題孟博士綽綽軒

登會泉亭

食黃魚

徐州謝李醫士

百步洪一首贈戴冬卿考績

題金中丞舜舉蒼溪書屋卷

劉克柔秉節瞻雲卷

送熊司訓憂歸

喜矯亭還任南京

題畫

三一亭爲同寅俞國昌題

題永慕卷

聽琴

題婁曲草堂兼壽其母

淞水吟壽邢文振母

題旅祝庭闈卷

卷十

十

思誠卷

送周均大倅臨安

壽顧自如封君

世壽堂

題毛式之古菴卷

次韻中山圖送許補之

壽萱歌

再和方思道韻

題榕軒卷何戶曹父

題荆山卷

軫尹侍御

過鉅野次蔡林屋韻

東湖書院爲吳工侍作

壽遂菴閣老

聖像寺次韻

送丁刑部出守溫州

閱兵行

謝夏時用太醫

柳溪書屋贈許經府

贈謝止齋

卷十一

十一

題東園雅集卷

題荷峯卷

題林以吉三益卷

玉山高壽朱母

贈王守璞

送費學士北觀

送聶通府

題周侍御三窮圖

百步洪和陳冬官韻

癸巳齋居二首 方丘一首

尹有堂一首

送秦司徒

送楊冢宰考滿之京

歌勞勞亭送汪僉憲

題濬永阡碑陰

題劉鴻臚南山春宴

題高刑侍盤谷祠

還金行

題周氏貞節卷

和方矯亭七十自壽韻

卷上目錄

四

勉聞姪

清真觀次貞菴韻

雙萱並茂歌

壽彭掌科母

王南莊封君

題松江雅集卷

風木操 烏夜啼

貞菴携家釀甚美因次其韻

邊司徒失妾

與吳道長夜酌

尹太

放鶴亭

題菜根泉銘

方思道以

送趙栗夫子敬

送彭黃門赴京

壽薛太醫母

挽王長史

題五老祠

壽何圖樵

卷下目錄

五

真女行

宛府花榭盆池一首

提督彭中丞北還題高會卷

九日登山用貞菴韻二首

送陳吏侍赴京

送胡中丞

和孟中丞韻

題道士持靜卷

贈韓杏西醫士

蒲菴遺稿卷之一

崑山柴奇著

古詩

黃茅岡

朝陟黃茅岡河流正湯湯

涼岡下行

人忙緬懷東坡仙風流富文章醉中漫揮灑山
鬼泣且藏行役多苦辛四郊仍旱蝗時事憂未
已安得歌聲長

登泰山

朝出登封門起拂衣上塵肩輿歷巔岼清霜及

嶺

蒲菴遺稿卷之一

一

茲辰極目日觀東海水浩無垠秦漢事已遠壇
社空荆榛撫景增歎息群山自嶙峋

田廷友父死藁葬淮安近遷于蘭

青青原上草處處聞啼鳥山頭暗松栢重泉阻
昏曉哀哉淮海魂飛逐西風渺悠悠塋首丘揚
揚望丹旄恩封不及生兒心猶茹蓼東海鶴
歸來千年識華表

贈貢秀才

文章貴有道古來知已難所以卞氏子抱璞徒
自殘奕奕詩書後禮部名不刊但恐虛拋擲老

大非所歎請看秋來鷹雲霄當羽翰

送姜豫賓錦衣守備四川新昌

少年弄筆硯蹉跎三十年一朝投筆起長劍倚
秋天元戎新奉詔牙旗指西川辭家初出塞
策馬幾行邊數聲寒月響千里居人烟歸來尚
黑頭纍纍金印懸

輓曹中亨母

居孀五十年辛勤教諸子白髮被兩肩手尚治
絲枲何以慰良人孫子皆祿仕諄諄垂沒言薄
俗良足耻我復爲哀詞山高水瀟瀟

蒲菴遺稿卷之一

蒲菴遺稿卷之一

二

送屈廷評考績過家

平林白土白於霜何事蕭蕭馬上郎鴈落千山
夕照黃郵亭四壁號寒蟬去家三載歲月忙歸
來鬢髮各已蒼老人慰藉喜欲泣親朋問訊話
舊長憶昔射策金門裏指切時事心自矢九
重天子賜顏色且向留都司法理馬蹄朝踏
鍾山雲鳥聲夕弄玄湖水人生適志是間官萬
里亨衢從此始

壽萱一首寄壽周水涇母吳孺人

卉木各生理北堂多萱草和氣孕其根祥風沃

其豪時至長精神開花獨妍好厥名為宜男生
男當國寶亦名為忘憂憂已釋懷抱黃鶴歸王
崗紫鸞下蒼顙採之薦壽筵玄閤日杲杲侑以
千歲桃從以如瓜棗貞孝有遺芳貞孝翁王范人祖父

更文藻欣榮方及時任藉歲華早
工部何燕泉于公第之東摘陶詩語
名其室各和其韻予因繼響

長日謙塵紛清世寡簡書睠茲朝市地亦復山
居如數雲藹雙闕素月流長衢蒲澗自青青柳
巷亦踈踈比德玉清越摘辭佩鬱紆緬惟芳記
初夙奉華恩餘門迴長者轍徑闢君子居
懷時序精理晰鳶魚時謂朋好合孰云繩墨
貞想無物感吾以名吾廬

右貞想

明明先師訓作德日以休弱冠弄柔翰慷慨賦
薄遊士學恒自持人心亦易流窮傲青冥鴻達
鄙滄江鷗貪夫怪西山紫士嗤東丘感此賔黃
世孰非咎孽德虧負德靡報空惆悵言曷酬終焉
豈但已詎謂迷復不繼磷計心迹川陸隱憂
還情寄茲土信美莫可求

右遙情

客至良會晤不覺日已冥歷覽千載上空垂百
代情微月在庭柯涼風動扉荆欵洽延石丈招
邀違麴生長揖座不虛數語眼俱明委巷夕暝
合曲檻新水平越鳥望南翔胡馬嘶北征版屋
聊避俗薄祿亦代耕不謂知己遠而有世慮繁
宿好在詩書奚為戀時名

右宿好

公退多暇日晨夕望東山東山有佳趣謝公去
千年聲跡隨逝水奔趨赴重淵芳蕤紅灼灼新
荷綠田田含景清淮上承游紫氣間幽禽棲
屋好書堆我前紆迴翳餘蔭閨寂澹孤烟夕月
下山岑朝日上城顛日月成代謝職事得餘閒
餘閒豈不念所得非其然

右餘閒

千金學屠龍其術固已踈仁義人之術詎敢謂
遽廬糟粕有餘淳貴得不貴多自得了悟肯一
言勝五車顏賢坐心齋孔聖躬飯蔬至道語非
遠妙契神與俱筌蹄為物累簞土復良圖有書
時還讀白首懼紛如

右還讀

壽王伯深號三橋

三橋如虹卧江浹江潮日夜聲奔駛茫茫東下
接三山方丈蓬瀛才尺咫玉梁倒掛銀河垂中
有神仙日棲止神仙有時來壽筵却洗金盤貯
江水願將江水爲君壽長流應與長生比重看
寶笈與海籌不用伐毛并洗髓

嚴陵行送黃太守之任

嚴陵之山巉巖起嚴陵之水清且駛地因人勝
名亦傳五月羊裘隱君子留都黃門江右英少

言

言

主

年射策衆目驚簪筆早際風雲盛補衮今看
月明一朝天子賜恩命九重符竹寄專城六
年官至二千石翠幘朱綬聲輝赫露冕朝行七
里灘抗旌夜入三河陌出守誰言髮尚青卧治
由來心獨赤後人應拜召公棠此日停雲千里
隔

登嶧山排律一首

昔聞嶧山名今作嶧山遊眷茲鴻濛秀雄峙峙齊
魯陬近眺森萬象遠睇奔群牛萃如戲兒童厲
若排戟矛鳥啄巖花落泉穿石洞幽人從澗底

過僧向日邊校林霏高下異雲氣日夕浮尋松
方徙倚問石仍偃僂直上白雲宮西北望神州

題孟博士綽綽軒

輓轡汲新水灌茲桃李根桃李自無言三月花
正繁誅茅補茅屋小榜綽綽軒有書時滿案有
酒時盈樽寂寂春晝長驚聞客欵門出門近客
至命僕具盤飧新詞協舊調一唱一和焉客揖
主人去明月在高原感此名軒意願言永弗諠

登會泉亭

陪尾山欲飛其勢倏而劃旣疑天始通復似地
微圻亂石迸流泉奔騰更瀾清突如玄豹蹲
若黑虎踞萬顆灑明珠一泓映紅日清商雜徵
羽金盤融玉液一見一惘然俯仰思今昔迴眷
聖主生厥名光簡冊亦佐聖明時載肇漕河
溢聖德與地厚萬世功無斁

食黃魚時駐高密

密州海口山作堆山高海小潮如雷漁人舉網
立徘徊疑有神鰲勢欲摧湏臾浪靜風始息開
舟撒網着氣力火光焰焰洄中流愈近愈聞聲
棘棘船頭一陣腥風吹却是黃魚欲上時金鱗

玉質石作首重腮透出紫歲幾天生我口慚食
肉自緣却欠黃魚福十年大半住京華夢魂空
遶婁江喚垂楊匹馬來密州野人懷惠勤獻羞
春葱脆斷錦生色晚稻炊成香欲流行厨不解
江南味淡着生薑未知貴金盤放筋憎太饒一
飽于今聊自慰

徐州謝李醫士

我年未四十齒牙苦先豁每食未投筋兩手費
鑽拔邇來三四年一搖一已脫深慚蒲柳姿幸
爾青瑣闥日食太官羹伐檀空蹙頰蠹茲潢池

言

補遺集卷七

七

兵井爰 王師過夙夜畏簡書捫齒痛如割閭
閻彭城南道路勞涉跋舂此東垣齋莖嗽雜糝
藥一飲一爽然宿痾輕剗剗勸我守清靜更欲
謙芳辣刀圭雖有功性靈諒非末斯言至理存
詎敢謂迂闊道德負初心明訓聞先達

百步洪一首寄贈戴冬卿考績

黃河來自星宿海彼惑蒙誣數千載崑崙積石
白於銀西併百川顏色改陪尾山頭十二泉一
泉一穴流泊泊濟水伏行五百里吞洙納汶始
成川邇來河流漸北徙研校圖經應周紀南入

長淮歸尾閭東連清泗下懸水彭城四合山更
多山多東縛阨洪波雷霆盪飛霹靂虎豹蹲
踞排戟戈洪流南下百步計險此瞿塘相爾汝
文帝欲建萬世安已向幽燕奠鍾虞東南西
北此咽喉朝正執貢萬國稠漕舟銜尾來吳越
僧舶連檣自閩隴子良知是石屏齋科第名家
凡幾世三年來此作都官蚤為國家討大計
坐衙日日對洪流驛書部牒次第投北船南下
落萬矢南船北上驅九牛蘇墨亭中了公事君
子堂前課兒試垂楊兩岸秋月明山鳥數聲花
滿地

言

補遺集卷八

八

題金中丞舜舉蓉溪書屋卷

西灝激清商萬卉改顏色何如芙蓉溪涼風長
新植采采花正繁溪流深且湜主人暫歸來聊
此寄游息出門覽物華欣然有所得天機諒自
然且以付玄默

劉克柔東節贈雲卷

太行一片雲日夕東南飛皇皇使者節悠悠心
靡違長旌指高原旭日促征騑載馳載回首行
行戀春暉十里苦恒陽四民方告饑時事憂未

已懷哉式言歸

送熊司訓憂歸

清商迎素節西風送涼暉悠悠萬里途遊子哭
母歸別離今幾年猶着母縫衣哀慈母恩血
淚作霰飛孰云淚痕密終止線痕稀

喜矯亭還任南京兼用送別

前輩張藤菴

官南京刑曹時所寓有萬松書屋

昔年被短褐挾策走南畿長干白下道慷慨亦
徘徊悠悠夢寐并忽忽歲月非君行值新秋匹
馬故依依豈無萬樹松蒼黛雲與齊亦有數椽
屋結搆山之隈着此宦途勝况復簿書稍自
多故人吏散娛慈闈懷哉有真樂素心良不違

題畫

近山入窻楹遠山隔煙霧地僻寂無譁溪流深
可渡饑鳥噪晚田古木凝寒露桑麻成古今烟
火自朝暮輕雲去依依落花飛故故別是一人
間何當容雅步

三一亭爲同寅俞國昌題

有食思有君有教思有師光復有此身思是親
之遺孩提知愛親一飯感君慈君親同其尊師

復紀綱之先師有遺言惟忠孝所移道立多善
人模範乃在茲於皇立人極萬世明倫彞主善
師無常事父君以資小亭揭巨榜銘鑑朝夕斯
求也斷無戾諒哉謝繁辭

題求慕卷

青青原上松悠悠地下人不知歲月長但見雨
露新雨露何凄其惕然傷我神貞心石與堅勁
節凌秋旻瞻望靡云及音容日以存昔賢有遺
訓求慕終其身

聽琴

素月流璇空高樓夜澄澈孤桐發清音爲我洗
癡癯乍聞出谷鶯風煖調首舌忽聽巫峽猿寒
號幾欲絕遊絲白日靜古木空山裂雪夜驚池
驚萬馬齊銜鐵壯士赴戎機深閨方泣別撫罷
重悽然月華猶短枕

題婁曲草堂兼壽其母

東家樹長覆我屋西家樹長穿我竹涼風昨夜
入輕帷坐對門前秋一幅船頭寒藻舞清漪鳥
外殘陽留古木隔牆黃犬驚客至倒屣主人勞
遠肅池魚入饌薦村沽溪行浮羹誇野蔞日頭